



წელიწადი მეოთხე

წელიწადი მეოთხე

სამეურნეო ჟურნალი

# გოსსავალი



აპრილი 14.

№ 8.

### ზინაარი:

ვ. ახოშვილი . . . . .	გუდაფშუტა . . . . .	3
ვ. გულბათიშვილი . . . . .	წითელი სემკურა ბაღასი . . . . .	5
ე. იოსელიანი . . . . .	ქართუელი გლეხი . . . . .	9
გ. ნახუცრიშვილი . . . . .	სეხიდის გასსეკლის სეგადსსეგა დანიშნულება . . . . .	10
ი. კვიციანიძე . . . . .	ბოსტნეულობის და სეხიდის მავნებელი მწერები . . . . .	12
განცხადებანი . . . . .		16

ჟურნალი წელიწადში ღირს—3 მანეთი. მისამართი: Тифлисъ, Барятинская 5.



# სამეურნეო ჟურნალი

## მოსაკალი

(იბეჭდება ორ კვირაში ერთხელ)

წასულ წელს ჟურნალში იღებდნენ მონაწილეობას: — ანაწილი ვ., ანაწილი ბ., ანაწილი ი., გულბათიშვილი ვ., გაღმოსვეწილი ბ., გვარამაძე ილ., გორთამაშვილი დ., გამსარაშვილი გ., თაქთაქიშვილი გ., იოსელიანი ე., კახელიძე ი., მჭედლიშვილი ვ., მელია პ., მღვიანი დ., შაჩაბელი ა., შაჩაბელი ი., ნახუცრიშვილი გ., როლოვი ა., რუსიშვილი ა., რცხილაძე ვ., ქუთათელაძე ი., ყვარნიშვილი ნ., ჩივაძე ე., ჩხეიძე უ., ცხადაძე გ., ღ—ძე დ., მღ. ჟალიაშვილი, წ—ძე აპ., ხეთაგური ს., უ—ელი ვ., შენგელია ვ.

რედაქცია მოელის თანამშრომლობას სხვებიდანაც.

### თანამშრომელთა საშუალებოდ.

ჟურნალის შემოსავლიდან გაისტუმრება ხარჯი სტამბისა და კანცელარიისა, დანარჩენი (თუ რამე დარჩა) წლის დამლევს დაურიგდებათ თანამშრომლებს პროპორციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეამოკლოს. წერილები და კორექსონდენციები, რომელნიც არ დაიბეჭდებიან, არც შეინახებიან დასაბრუნებლად.

რედაქცია მზათ არის აღმოუჩინოს „მოსავლის“ მკითხველებს ყოველ გვარი შუამავლობა სამეურნეო იარაღებისა და მაშინების და აგრედვე ყველა სამეურნეო ნაწარმოების შექმნა-გასაღებაში.

**განცხადებები** დაიბეჭდება მხოლოდ უკანასკნელ გვერდზე. ჩვეულებრივი სტრიქონი (გენური ან აკადემიური ასოთი) განცხადებისა ღირს **ა.ი.ი შაური.**

წლიური აბონემენტებისათვის განცხადების ფასი რედაქციასთან **შეთანხმებით.** განცხადების ფასი წინდაწინვე უნდა იყოს წარმოდგენილი.

რედაქცია ჟურნალის ხელისმომწერლებს წლის დამლევს **გაუგზავნის უფასოდ დამატება-ბროშურას** მეურნეობის რომელიმე დარგის შესახებ.

რედაქტორ-გამომცემელი **პ. ი. რცხილაძე**





# გუდაფშუტა

დაიწყო გაზაფხული და მერცხლების ჭიკჭიკთან ერთად მრავალმა მწერ-ჭია-ღუამაც გაიღვიძა.

ვაი თქვენი ბრალი, ხეხილის მცენარენო და შემოდგომისა და ანეულის მოსავალნო. ამ მწერებსა და ჭია-ღუას იქნება კიდევაც გაუძლებდით, მაგრამ განგებამ ეს არ გაკმარათ და სხვადასხვა გვარი **ობი** მოგკიდათ გულმკერდზე, რომ თქვენს სიხარულს ფრთა შეეკვეცოს. ასე ყოფილა და იქნება, რომ როგორც ადამიანთა ისე ყველა ხეხილ-მცენარეთა ვითარებას სამზღვარი ედება, რათა სრული თავისუფალი არ ეგონოთ მათ თავიანთი თავი. ადამიანი უთქვენოდ ვერ სძლებს, თქვენ ვერ გაგინახრიათ უიმისოთ. ჩვენდა სსასარგებლოდ და თქვენდა სსისხარულად მოვალენი ვართ როგორც შეგვეძლება მოგიაროთ. მაგრამ... ქაჩალმა წამალი იცოდეს, თავისთავს უშველიდაო. უხაროდეთ იმ მცენარეებს, რომელთაც პატრონათ ფრანგი ან ნემენცი ჰყავთ, თორემ ქართველი მეურნე სულ ყველაფერს ღვთის განგებას აწერს და თითონ კი არაფერში ბრალს არ იდებს. „ეს ქარმა გაათუჯაო“, ამას „დარი არ დაუდგა“, „სიომ დაჰკრა“, „მთვარე ჰქონდა ცუდი“, ერთი სიტყვით მიზეზს მრავალსა პოულობს და თვით მეურნე კი არაფერს შუაში გამოდის, ცა ტყუილად არის განრისხებული მასზე ასე უწყალოდ.

როდემდე იმართლებთ თავს ასე, ოჯახის შვილებო! ხომ ხედავთ ფონს ვერ გაღიხართ. დაუფიქრდით, იქნება სცდებით და ყველა რისხვანი თქვენს თავ-

ზე მოვლენილნი თქვენისავე უცოდინარობით აიხსნება. ამ ჟამთა ვითარებაში ყველაფერი იცვლება. მხოლოდ ბუნების მოვლენათა თქვენ მიერ წარმოდგენა დარჩენილა ისევ იმ ვიწრო კალაპოტში, რომელშიაც იყო იგი როდესაც თქვენს წინაპრებს მოუხერხებიათ პირველად თხლე-შეჭამანდის და ბოლიწოს გაკეთება. ესლა ქვეყანამ გაიგო, რომ ყოველი სატკივარი შემოდგომისა თუ ანეულის მოსავლისა და ბღვენახებისა ან ჰავითა და ნიადაგით არის გამოწვეული, ან ცხოველებით და ან მცენარეებითვე—ობის გამჩენი სოკოებით. ყველა ეს სატკივარი ზედმიწევნით არიან დღეს შესწავლილნი და წამალიცა აქვთ გამოგონილი. ჩვენ გვრჩება მხოლოდ ყველა ამით ვისარგებლოთ.

დავიწყოთ თუნდა **გუდაფშუტიდან**.

გუდაფშუტას ყველა სოფლელი იცნობს. გუდაფშუტა ერევა ჰურს, ქერს, შვრიას, სიმინდს და სხვ.

გუდაფშუტა ორნაირია: მშნაღი გუდაფშუტა, რომელიც წააგავს მჭვარტლის ფერ მტვერს და სველი ანუ ღრწიანია გუდაფშუტა.

მშრალი გუდაფშუტა მორეული ჰურის ყანაში, ქერში, შვრიაში და სხვ. გარეგნულად არაფერში არ განსხვავდება, მაგრამ ნამდვილად კი დიდი განსხვავებაა მათ შორის:

ჰურის გუდაფშუტა არ უჩნდება ქერსა და შვრიას, ქერისა—შვრიასა ო ჰურს, შვრიისა—ჰურსა და ქერს და სხვ.

სხვათა შორის ამიტომ არის კარგი მონიგეობით თქვამა.



გულაფშუტიან ყანის შემდეგ რომ სხვა ხორბლეული დაითესოს, თუ ამ უკანასკნელის თესვს თავისი საკუთარი გულაფშუტა არ შეჰყვება, ყოფილ მოსავლის გულაფშუტა მას არ მოერევა.

გულაფშუტა ვრცელდება მტვერის მაგვარი ეგრედწოდებული **სფორებით**. კალოზე, როცა იხა ილეწება, გულაფშუტის სფორა ეკვრის ჰურის მარცვალს და დათესილი მასთან ამოდის ხორბალთან ერთად და შედის შიგ გაღვივებულ ხორბლის თესვში, საიდანაც თვალისათვის უხილავად აღის მცენარის ყვავილში, სპობს ყვავილის ყველა ნაწილებს და ავსებს ნასკვს მცენარისას მქვარტლის ფერი მტვერით.

გამოკვლეულია რომ მარტო ერთ გულაფშუტიან თავთავში რამოდენიმე მილიონი სფორაა ხლმე.

თუ მერმის ეს სფორები მოხვდნენ მიწაში, გაიზრდება ობის სოკო, რომელიც გაუჯდება ხორბლელ მცენარეს ნორჩობაშივე. ხოლო თუ მცენარე წამოიზარდა, მაშინ კი ობი ვეღარ შეატანს მცენარეს, რომ რამე ავნოს.

ამობენ სველი გულაფშუტის სფორები 7—8 წლამდე სძლებენ და არ კარგავენ გაღვივების უნარს.

ბრეფელდისა და გეკეს გამოკვლევით მშრალი გულაფშუტა ჰურისა და ქერისა გადადის საღ თავთაზე ყვავილობაშიაც და იზრდება მაშინვე. მიუხედავად ამისა ჩასახული მარცვალი ჰურისა ისრულებს ზრდას, არ იმჩნევს დაავადებას ვიდრე არ დაითესება. როდესაც მასთან კი სატკივარი ერევა მარცვალს და კიდევაც ინაცვალეებს ხლმე მას.

მშრალი გულაფშუტა ადვილი შესამჩნევია ყანაში. მქვარტლისფერი მტვე-

რი გულაფშუტისა გარედან აყრია თავთავს. ხან თავთავი სრულიად ასვლენილი დგა გამქვარტლული იმ ალაგას, სადაც მარცვალი უნდა ჰქონოდა თავთავს.

სველი გულაფშუტა კი პირიქით ძნელი შესამჩნევია, რადგან იგი ხორბლის გულშია ჩამალული და გარედან არ ეტყობა მარცვალს, ხოლო ყანა რომ დამწიფდება გულაფშუტიანი თავთავი მალაა სწორედ აშვერილი და ჰურიათ თავთავი კი თავდახრილია სიმძიმისაგან დაბლა.

**წამლობა.** სადაც ერთხელ გაჩნდა გულაფშუტა, იქ აღარ ისპობა იგი სანამ თესლი არ გაირეცხება-გაიწმინდება როგორმე. უბრალო წყალი ვერა სწმენდავს თესლს, უნდა წყალს მიემატოს ისეთი რამ წამალი, რომელიც მოჰკლავს ობის გამჩენ სოკოს—სფორებს.

ესეთი წამალი არის შაბიამანი. დადნობენ  $3\frac{1}{2}$ —4 ვერა წყალში 1 გირვანქა შაბიამანს, ჩასდგამენ შიგ კალათით სათესლე ხორბალს და რეცხავენ ხელით 5—10 მინუტი, შემდეგ ამოიღებენ ხორბალს და გაშლიან თხლად გასაშრობათ. ერთხელ მომზადებული წამალი ვარგობს რამდენიმე კალათა თესლის გასარეცხად. ესე გარეცხილი თესლი ცოტა მეტი უნდა დაითესოს, ვიდრე გაურეცხავი, რადგან შაბიამანის ზედგავლენით შეიძლება ზოგმა თესლმა ამოსვლის უნარი დაკარგოს.

სათესლე ხორბალს ასუფთავებენ აგრედვე ფორმალინის შემწეობითაც. ესე გასუფთავება უფრო იაფად ჯდება. აღლებენ

წყალს . . . . . 300 სტაქანს  
 ფორმალინს, როგორ-  
 საც მაღაზიებში ჰყი-  
 დიან, . . . . . 1 სტაქანს,





გაშლიან ხორბალს დახურულს შენობაში იატაკზე ან ბრეზენტზე და მოაწყაპყაპებენ ზედ ფორმალინიან წყალს, თან ურევენ ხორბალს ნიჰით. შემდეგ ამისა, ფორმალინმა რომ მალე არ აიოთქლოს, გადახურავენ თესლს ბრე-

ზენტს და სტოვებენ ესე სველს ორი საათით, რის შემდეგ გაშლიან ხორბალს ჩრდილში თხლად ფორმალინიან წყალში ამოვლებულ და გაწურულ სუფრებზე და გააშრობენ.

### ვ. ახოშვილი

## წითელი სამყურა ბალახი

წითელი სამყურა ბალახი უნდა შემოდგომის პურს ან ქერს მოეთესოს ზემოდან ადრე გაზაფხულზე თოვლის აღების შემდეგ როცა ნიადაგი ჯერ ისევ ცოტათი ლაფობს კიდევაც, ოღონდ თოვლის ღვარები ჩაფლილი იყოს რომ თესლი არ წაიღოს, ნიადაგი არ გადარეცხოს. ესე ადრე დათესილ თესლს მობნევის მეტი სხვა არა უნდა-რა—არც დაფარცხვა, არც აჩეჩა ნიადაგისა, რაც საჭიროა ხოლმე მაშინ, როცა ზედაპირ-გამშრალ ნიადაგზე ითესება თესლი.

სთესავენ სამყურას ანეულზედაც.

სამყურა ბალახის დათესვა შეიძლება ხელითაც და სათესი მანქანითაც. ხოლო რაც გინდა იაფი იყოს ესეთი მანქანა, 20—25 მანეთი მაინც დაჯდება და ამოდენა ხარჯის გაწევა კი იმას მისცემს ხელს, ვისაც დიდი მინდვრის დათესა სურს და არა ერთი-ორი დღე უჭირსა. თანაც ვინც ადრე შეუდგება თესვას, მისთვის არც მოსახერხებელი იქნება სათესი მანქანის ხმარება, ილაფებს.

სანამ მოიმკება ყანა სამყურა ბალახი არაფერ მოვლასა და პატრონობას არა თხოულობს. ხოლო როცა ყანა აიღება, მაშინ კი ნორჩ ბალახს დაცვა უნდა საქონლისაგან, რადგან ფესვები ჯერ არა აქვს ბალახს გამაგრებული

და ძოვენაში ფესვიანად ამოგლეჯავს მას საქონელი.

სამყურა ბალახს არ უყვარს როცა წყალი გუბდება ნახნავზე, სადაც ბალახი სთესია, არც გაუტეხავი, ყამირი ადგილი უყვარს. უნდა იგი დაითესოს ისეთ ადგილზე, რომელიც რამდენიმე წელიწადი იხენებოდა სამოსავლოთ.

პირველ წელიწადს იშვიათად გაიზრდება სამყურა ბალახი რომ თივათ გასათიბი გახდეს, ხოლო უნდა კი გაითიბოს სანამ დაიყვავილებს, თორემ ყვავილში შესვლა სამერმისოდ გათამამებას დაუშლის ბალახს.

ამიტომ არის რომ სამყურა ბალახს სთესავენ თავისუფალ ნახნავზე კი არა საკუთრივ, არამედ რომელიმე ხორბლელული მცენარით დათესილ მინდორზე, უფრო შემოდგომის ნათესზე ადრე გაზაფხულობით.

წინააღმდეგ შემთხვევაში პირველ ამოსვლაზე ნორჩ ბალახს ზიანი მიეცემოდა რამ: ან შხაპუნა წვიმა ჩარეგვამდა, ან ნიაფღვარი წაიღებდა, ან მზე დასწავდა. ყანაში კი ვერც ნიაფღვარი უდგება, ვერც წვიმა ჩარეგვავს, ვერც შამბი ბალახი ერევა და გრილადაც არის სანამ მოღონიერდება.

გათამამდება და ღონიერ მოსავალს იძლევა სამყურა ბალახი მეორე წელიწადს პირველ გათიბვაზე, მესამე



წელიწადს თანდან კლებულობს და მეოთხე წლისთვის კი შესანახი აღარ არის.

ვისაც მინდორი მესამე-მეოთხე წელიწადსაც უნდა სათიბად შეინახოს, მან უნდა სამყურა ბალახთან ერთად სხვა ბალახიც, მაგალითად, საგველა ბალახიც (ТИМОФЕЕВКА) დათესოს.

საგველა ბალახი ბლომად იძლევა მოსავალს მესამე და მეოთხე წელიწადს. მაშასადამე სამყურაც და საგველაც ორივე ერთად რო დაითესოს შემოდგომის ნათესზე ან ანეულზე, გვექნება: პირველ წელიწადს ყანა, მეორე წელიწადს სამყურა ბალახის უხვი მოსავალი და მესამე და მეოთხე წლებში კიდევ საგველა ბალახი მიემატება სამყურას და ორივესაგან იმდენსავე თივას მივიღებთ, რამდენსაც მეორე წელიწადს მარტო სამყურა ბალახი მოგვცემს.

ორივე ამ ბალახების თესლიც ამისდამიხედვით უნდა აიროს: თუ ორი წლით გვინდა სათიბი, მაშინ 35—40 გირვანქა თესლს სამყურა ბალახისას გადურევთ 10—15 გირვანქა თესლს საგველა ბალახისას; თუ სამი-ოთხი წლისათვის გვინდა სათიბი გვექონდეს, მაშინ იმოდენავე სამყურა ბალახის თესლს საგველა ბალახის თესლი 25 გირვანქა უნდა აერიოს.

საგველა ბალახს ფესვები ღრმათ არ მისდის მიწაში, საზრდოს შოობენ მისი ფესვები ზედადგშივე, როგორც ჩვენი ჩვეულებრივი პუროვანი მცენარეები პური, ქერი, შვრია, ქვაფი.

როდესაც სამყურა ბალახს ანეულის მოსავალზე სთესავენ, მოიქცევიან ასე: ანეულს ჯერ დაფარცხვენ ჩვეულებრივ და მერე დათესენ ბალახს და გა-

უვლიან კბილებიანი ფარცხით ერთ-ჯერად. ფარცხის კბილები ღრმად არ უნდა ჯდებოდეს ნახნავეში. ამისათვის კბილები შეიძლება ამოეწნას წნელით ისე, რომ მხოლოდ ერთ ვერშოკზე ჩანდნენ დაახლოვებით, როგორც დაწნულ გოდორს მანები ამოშვირავს ხოლმე სანამ პირს გადუწნავენ. თუ ღრმად დაისერა ნახნავი ფარცხით, თესლიც ღრმად ჩაცვივა და რო გავივდეს კიდევაც ვერ ამოატანს იმოდენა სიღრმეზე.

მიწა უნდა თესლს ფარცხით წაეშალოს ზემოდან ოდნე, რომ თესლი ზეზე არ დარჩეს.

როდესაც სამყურაცა და საგველა ბალახიც შემოდგომის მოსავალზე ითესებიან, თესვა უნდა აიღებს თუ არა თოვლს მაშინვე მოხდეს, მასთან დილით სანამ ნახნავს ზედაპირი მომძრალი აქვს. მერე მზე რო დაჰქერს და მოლხვება მიწა, ყინვის წყალი ჩავა ნახნავეში და თესლსაც თან ჩაიტანს ისე რომ დაფარცხვა ამ შემთხვევაში აღარ დასჭირდება ნახნავს.

ყანა ჰურისა ან ქერისა სრულიადაც არ უშლის სამყურა ბალახს ზრდას. მომკის ღროს ბალახი ცოტა ითელება, მაგრამ ამით არა უშავს-რა, ოღონდ საქონელი არ უნდა შეუშვათ ნაყანობში, რადგან ბალახი ჯერ ნორჩი ძრიელ და ადვილად შეიძლება გაფუქდეს საქონლისაგან.

ზედმეტი გაფრთხილება უნდა სამყურა ბალახს მეორე გაზაფხულზე თოვლს რო აიღებს და ბალახი გამოჩნდება. თუ საქონელმა არ გააფუქა, ყველაზე მეტ თივას ამ მეორე გაზაფხულზე იძლევა სამყურა ბალახი პირველ გათიბვაზე.





თიბვა უნდა დაიწყოს მაშინ, როცა ყვავილში შესვლას დაიწყებს ბალახი. ამაზე ადრე და არა გვიან. რამდენჯერ გახდება გასათიბი, ეს იმაზეა დამოკიდებული, ზაფხული წვიმიანია თუ გვალვიანი.

თივა უნდა აიღოთ ასე: გათიბვის შემდეგ მეორე ან მესამე დღეს დილით, სანამ ნამი აქვს ბალახს, გადააბრუნებთ და იმავე საღამოთი დაათაღმებთ. ბალახი უნდა თალამში გამოშრეს და შემდეგ დააბულულებთ ან სათივეს დადგამთ. უმთავრესი სინოცივრე ბალახს ფოთოლში აქვს. ფოთლები მეტად ნაზი აქვს სამყურა ბალახს და ადვილად სცივია, თუ ზომაზე მეტად გაშრა.

სათივეს ზემოდან ნამჯა უნდა მოედვას თავზე, რადგან სამყურა ბალახის თივა არ იძეკება კარგად, წვიმამ შეიძლება გაუაროს და მთელი თივა ჩახურდეს, გაფუჭდეს.

საქონლისაგან დაცული სათიბი მეორე წელიწადს დათესის შემდეგ თითო დესეტინაზე 200—350 ფუთ თივას იძლევა, ხოლო მესამე წელიწადს— 100—250 ფუთს.

სამყურა ბალახის ფესვები კარგა ღრმად მიდიან მიწაში, სადაც ბოლოს და ბოლოს ლპებიან და ასუქებენ ნიადაგს. ამით უნდა ავხსნათ ის მოვლენა, რომ პური ან ქერი დათესილი სადაც სამყურა ბალახი ეთესა წინათ, უფრო კარგ მოსავალს იძლევა ვიდრე ძროხის სასუქით გაპატივებული ნიადაგი მოიყვანდა, ხოლო ერთი კია საჭირო: უნდა სამყურა ბალახი ხშირად

იყოს დათესილი, რომ ნიადაგის ესეთი განოცივრება შეეძლოს.

შორსმჭკრეტელი მეურნე ამ ბალახის ასეთი თვისებით სარგებლობს და შემოდგომის და ანეულის მოსავალთან ერთად სამყურა ბალახსაც სთესავს მორიგეობით.

ყველაზე სამჯობინარი მორიგეობითი თესვა ჩვენში, ჩემის ფიქრით, უფრო ასეთი იქნება:

მინდორი იყოფა ოთხ ნაჭრად. თითოეულ მათგანზე ჯერჯერით რვა წლის განმავლობაში შემდეგ რიგით მოსდევს მოსავალი მოსავალს.

- 1 წელ. შემოდგომის ნათესობა (პური ან ქერი) და წითელი სამყურა ბალახი.
  - 2 „ წითელი სამყურა ბალახი პირველი წლისა.
  - 3 „ წითელი სამყურა ბალახი მეორე წლისა.
  - 4 „ ანეული (დიკა, ქერი, სიმინდი ან ფეტვი).
  - 5 „ ლობიო-ცერცვი ან მუხუდო (შეიძლება ნახევარი ერთი ნახევარი მეორე).
  - 6 „ შემოდგომის ნათესობა (ისევ პური ან ქერი მხოლოდ ბალახს აღარ დათესავთ ზედ).
  - 7 „ ანეული (სიმინდი, ქერი, ფეტვი ან დიკა).
  - 8 „ ლობიო-ცერცვი-მუხუდო.
- ამგვარად, ოთხ ნაჭრად გაყოფილს გამულზე გვექნება:



	1 ნაკერი.	2 ნაკერი.	3 ნაკერი.	4 ნაკერი.
პირველ წელიწადს...	შემოდგომის მოსავალი და სამეურნეო.			
მეორე წელიწადს...	სამეურნეო ბაღახი	შემოდგომის მოსავალი და სამეურნეო.		
მესამე წელიწადს...	სამეურნეო ბაღახი	სამეურნეო ბაღახი	შემოდგომის მოსავალი და სამეურნეო.	
მეოთხე წელიწადს...	ანეული	სამეურნეო ბაღახი	სამეურნეო ბაღახი	შემოდგომის მოსავალი და სამეურნეო.
მეხუთე წელიწადს...	ლობიო-ცერცვი-მუხუდო	ანეული	სამეურნეო ბაღახი	სამეურნეო ბაღახი
მექვე წელიწადს...	შემოდგომის მოსავალი	ლობიო-ცერცვი-მუხუდო	ანეული	სამეურნეო ბაღახი
მეშვიდე წელიწადს...	ანეული	შემოდგომის მოსავალი	ლობიო-ცერცვი-მუხუდო	ანეული
მერვე წელიწადს...	ლობიო-ცერცვი-მუხუდო	ანეული	შემოდგომის მოსავალი	ლობიო-ცერცვი-მუხუდო

აპხედეთ პირველ სეეტს და ნახავთ რომ პირველ ნაკერ მიწაზე რვა წლის განმავლობაში გვექნება დათესილი ორჯერ შემოდგომის მოსავალი, ორჯერ ანეული, ორჯერ სამეურნეო ბაღახი და ორჯერ ლობიო-ცერცვი-მუხუდო. ასე იქნება ჩვენი მამულის მეორე, მესამე და მეოთხე ნაკერებზედაც ყოველ რვა წლის განმავლობაში.

ოთხივე ნაკერი მხოლოდ პირველ ოთხის წლის განმავლობაში დაჰყვება მორიგეობით თესვას: მეორე, მესამე

და მეოთხე ნაკერები პირველ წელიწადს განთავისუფლებულნი იქნებიან გვემისგან, მეორე წელიწადს იქნებიან მესამე და მეოთხე ნაკერები თავისუფალნი, მესამე წელიწადს—მხოლოდ ერთილა მეოთხე ნაკერი.

ამ თავისუფალ ნაკერებზე რაც გინდათ ის დათესეთ, სანამ მორიგეობით თესვას მოჰყვებიან ქვეშ.

რაც შეეხება იონჯასა და სხვა დასხვა ძირნაყოფიან საკვებად მცენარეების თესვას—ქარხალი, გოგრა, ბო-



ლოკი, სტაფილო, კართოფილი და სხ., ეს უნდა ხდებოდეს ცალკე და არა მორიგეობით თესვაში შედიოდეს.

მწვანე სამყურა ბალახს საქონელი ძალიან ეტანება, სჭამს ისე ხარბათ რო იბერება და ხშირად კვდება ბალახისაა კიდევაც. მეძროხემ უნდა იცოდეს ეს და საქონელს გაუფრთხილდეს—ნათიბში არ შერეკოს დამშეული საქონელი, არამედ ჯერ უნდა სხვა ბალახი მოაძოვოს, გააძლოს თითქმის და მერე ისე შერეკოს სამყურა ბალახის ნათიბში საძოვნელად. თუ სამყურა ბალახი იმდენად არის მაღალი, რომ საქონელი თითო პირის მოსმაზე დიდ ლუქმას მოაველებს და საქონელი თანაც დამშეულია, უნდა კი არ გააჩეროს საქონელი ნათიბში საძოვნელად, არამედ ფეხაკრეფით გადაატაროს მთელი სათიბი. რასაც ამ გადატარების დროს მოსძოვს, ის ეყოფა საქონელს.

ბევრჯერ უოფილა შემთხვევა რო ცხვრები შესულან სამყურით დათესილ

სათიბში და ვეღარას გზით ვეღარ გამოურეკნია მეცხვარეს, სანამ სხვები არ მიშველებიან, და გამძლარი ცხვრები ბლომად დახოცილან გაბერვისაგან, მეტადრე რომელთაც წყალიც უპოვნიათ ზედ და დაუღვევიათ.

საზღვარგარედ ძროხებს, მაგალითად, საბელით აბამენ პალოზე და ისე აძობენ. ისე მოკლეა საბელი, რომ რამდენსაც მისწვდება ძროხა, იმას კიდევაც მოინელებს.

ღერო ბალახისა ისე არა ჰბერავს საქონელს როგორც ბალახის ფოთოლი და ყვავილი, რადგან აქ უფრო მეტი სინოკივრე აქვს ბალახს, ვიდრე ღეროში.

დაბმულ საქონელს ნამჯას ან ხმელთივასაც დაუდგამენ ხოლმე ახლო. როდესაც მწვანე სამყურა ბალახსა სჭამს საქონელი, ხამუშ-ხამუშათ ამ ხმელთივასაც მისწვდება ხოლმე ინსტიქტიურად და ისე აღარ იბერება.

**ვ. გულბათიშვილი**

**ქართველი გლეხი**

ქართველ გლეხს თუ საქონელი ჰყავს თავის თავს ღარიბად არა სთვლის. გლეხს საქონლით მოაქვს თავი, საქონლით უძღვება მტერსა და მოყვარეს და არც კუჭი უწიწინებს შიმშილით.

გაზაფხულის პირს რომ ნახო გლეხი და მისი საქონელი მწარეთ გაიხარხარებ:—განა ესენი ინახავენ სოფელსა? — უნებურად შეეკითხებით თქვენს თავს. აბურცნული, თითქო ტყავში ძვლები შეუხვევიათო, დადის-დალასლასებს უღონოთ, ყბის განძრევაც კი ეზარება. აი რით ხნავს და რითი უვლის გლეხი მამულს.

მაგრამ არც პატრონი ჩამოუვარდება საქონელს, გახეილ ყისნიან ჩოხაში გახვეული, თავზე ქუდის ჩაჩი, წინდა-პაჭიჭი. უნდა კარგად დააკვირდე, რომ შეამჩნიო ადამიანის ფერი. ჭუჭყით ჩაშავებული აქვს ხელი და კისერი. მაგრამ მოითმინეთ. არც ისე აბუჩად ასაგდება გლეხი, როგორც გეჩვენებთ.

ამ ბედშავ გლეხს და მის გაძვალტყავებულს საქონელს მოჰყავს მარგალიტივით ხორბალი, ლალივით ღვინო, მშვენიერი ხილი და სხვა მრავალი მოსავალი, რომლის ყურებითაც



სტკბება ადამიანის თვალი და ურო-  
მლისოდაც შეუძლებელია ჩვენი ცხოვ-  
რება.

ესვე ბედშავი, ჭუჭყით გაჟღენთილი  
გლეხი აძლევს ხაზინას ფულს, ჯარის-  
კაცს, უძღვება მღვდელს, ერსა და ბერს

და დიდი კმაყოფილია თავის ბედისა,  
თუ თითონაც კუჭი მაძლარი აქვს და  
შემოსილია.

განა შესაძლოა ამაზე უმეტესად ქრის-  
ტეს მცნების ასრულება?

ე. იოსელიანი

## ხეხილის გასხვადს სხვადასხვა დანიშნულება \*)

(გაგრძელება)

**მეორედ გასხვადი პირამიდის მო-  
ვლა ზაფხულში.**—ხეხილის ორგანო-  
ებში საკვებავი წვეწვანის თანაბრად განა-  
წილებას და ამ ფორმის მცენარის წე-  
სიერად აღზრდას, ხელს უწყობს ზა-  
ფხულში თამამი ყლორტების ბოლოე-  
ბის მომტვრევა. თუ პირამიდას შემო-  
დგომაზე ერთნაირი ღონის ყლორტები  
არა აქვს და მისი ფორმა დამახინჯე-  
ბულია, ეს იმის ნიშანია, რომ ასეთი  
ხე ზაფხულში უპატრონოდ ყოფილა  
დარჩენილი. ზაფხულის მოვლაც შემ-  
დეგში გამოიხატება. როდესაც მეო-  
რედ გასხვადი პირამიდა თავის ტა-  
ნის გასაზრდელ შტოზედ მეორე რი-  
გის ახალ ყლორტებს გამოიტანს, რა-  
საკვირველია, ყველა ერთნაირი ღო-  
ნისა არ იქნებიან. ზოგიერთა მათგანი  
ღონიერად დაიწყებს ზრდას, ზოგიც  
დაიჩაგრება. ასევე მოუვათ პირამიდის  
პირველ რიგის შტოებიდან გამოსულ  
ყლორტებსაც.

ეს რომ არ მოხდეს ამ დროს საჭი-  
როა კაცის დახმარება; ამისათვის სადაც  
კი თამამ ყლორტებს შეამჩნევთ, უსა-  
თუოდ ბოლოებს მოუტეხავთ. ამით  
ყლორტების ზრდა შეჩერდება და იმათ-  
გან მონარჩენი საკვებავი კი სუსტ  
ყლორტებს მოურიგდებათ. ასევე მო-

ექცევით ყველა იმ ყლორტებსაც,  
რომლებიც პირამიდის პირველსა და  
მეორე რიგ შტოებს შუა გაჩნდებიან  
ხის ტანზე.

ამ შტოების ბოლოების მომტვრევა  
თქვენ ხეს ორნაირ სარგებლობას მო-  
უტანს: ჯერ ერთი რომ ეს ყლორტე-  
ბი პირამიდის ტანის დამსხვილებას  
ხელს შეუწყობენ და მეორე მონარ-  
ჩენი საკვებავი მთელი ხის ორგანოებს  
გაუნაწილდება. ვინიცობაა ბოლო წა-  
ტეხილმა ყლორტებმა ახალი ყლორ-  
ტები ამოიტანეს, მაშინ ამათაც ბო-  
ლოებს მოუტეხავთ. ამნაირად ზაფხულ-  
ში ასეთი მუშაობის გამეორება შეიძ-  
ლება ორჯერ-სამჯერაც დაგვირდეთ.


იმ ნორჩ ყლორტებს კი, რომლებიც  
პირამიდის პირველა რიგის შტოებზე  
გაჩნდებიან, უფრო მეტის ყუ-  
რადლებით მოექცევით, რადგან შემ-  
დეგში ამათ მოკლე სანაყოფე შტოე-  
ბი უნდა მოგვცენ. მაშასადამე რაც  
უფრო მეტი იქნება თქვენ ხეზედ ამ-  
გვარი შტოები. იმდენად ის თავის  
დროზედ ნაყოფსაც მეტს მოგცემთ.  
გარდა ამისა მებაღემ თვალყური უნდა  
ადევნოს, რომ პირამიდის გვერდის  
უმთავრესმა შტოებმა დანიშნულ სი-  
განეზე მეტნაკლებათ არ დაიწყონ  
ზრდა. ამნაირად, თუ შტო განზე იზრ-

\*) იხილეთ „მოსავალი“, № 5.





დება ასეთს პირამიდის ტანთან ახლო მისწევთ და კილოებით მიაკრავთ.



(სურათი 1)

იმ შტოს, რომელიც ხის ტანთან ახლო იზრდება, განზე გასწევთ ორკაბი ჯონის შემწვობით.

პირამიდის მესამე რიგი შტოების მისაღებათ საჭიროა მესამე გასხვლა. მესამე და მეოთხე გასხვლა და აგრეთვე ზაფხულში მოვლაც

იმავე წესით სწარმოებს, როგორც პირველი და მეორე.

როდესაც მესამე გასხვლას შეუდგებით, ამ დროს თუ პირამიდის ტანი საკმაოდ დამსხვილებულია, მაშინ ზემო მოხსენებულ შტოებს, რომლებიც მის დასამსხვილებლად იყენენ გაშვებული, ძირში ამოათლით, წინააღმდეგ შემთხვევაში კი ერთის წლით კიდევ ზედ გაუშვებთ. როდესაც პირამიდა თავის უმთავრეს ტანზედ ოთხ რიგ შტოებს გაიკეთებს, ამის შემდეგ ხეს თავის ნებაზედ გაუშვებთ, ესე იგი გასხვლას თავს დაანებებთ. მხოლოდ ამ დღიდან თქვენ ხეხილს სხვანაირი ყურის გდება დასჭირდება. მაგალითად თუ პირამიდამ სადმე მეტი დოკი ყლორტები გამოიტანა, ასეთები არასოდეს არ უნდა შეარჩინოთ. აგრედვე ის შტოებიც, რომლებიც შიგნით პირამიდის ტანისაკენ დაიწყებენ ზრდას და სხვა შტო-

ებს დაუჩრდილებენ, ამგვარი შტოებიც უსათუოდ უნდა ამოაჭრათ. მეტისმეტად მაღალი ტანის პირამიდაც არ ვარგა, რადგან მაღალი ხე ყველაგვარ მუშაობას გააძნელებს. ამისათვის პირამიდის ჩვეულებრივ სიმაღლედ მიღებულია 7—8 არშინი.

აქამდის ჩვენი ბაასი გასხვლის მხოლოდ ერთ მხარეს შეეხებოდა. დავგრჩა გასარჩევი გასხვლის მეორე უფრო მნიშვნელოვანი მხარე, სახელდობრ სანაყოფე შტოების დამუშავება; მაგრამ ვიდრე პირდაპირ გასხვლაზე დავიწყებდეთ ლაპარაკს, საქმის გასაადვილებლად უმჯობესი იქმნება ჯერ სანაყოფე ორგანოების ცხოვრებას გავვეცნოთ.



(სურათი 2)

როგორც ჩემი წინა წერილიდან გეხსომებათ ყველა ჯურა ხეხილი ერთ ნაირი წესით როდი იძლევა სანაყოფე შტოებს და კოკრებს. მაგალითად ვაშლი და მსხლი ერთ წესს ემორჩილებიან, ატამი და ნუში მეორეს. ვაშლი და მსხალი საყვავილე კოკრებს მხოლოდ სუსტ მოკლე შტოებზედ იძლევა. როგორც ვიცით საყვავილე კოკარი პირდაპირ როდი ჩნდება, არამედ პირველად ის საფოთლეა და მხოლოდ 3 წლის უკან საყვავილეთ გადაიქცევა. ნუშსა და ატამს კი ერთის წლის ყლორტებზედ გამოაქვს საყვავილე კოკრები.



(სურათი 3)



ამისათვის სანაყოფე შტოების დამუშავებაც ამ ორ ჯურა ხეხილს სხვადასხვა ნაირათ დასჭირდებათ.

დავიწყოთ ვაშლისა და მსხლისაგან.

როგორც ზევითა ვსთქვით საყვავილე კოკრები მარტო სუსტ შტოების ბოლოებზედ ჩნდებიან, ასეთ სანაყოფე შტოებს ვაშლისა და მსხალზედ სხვადასხვა სახისას შეხვდებით. მაგალითად აქ მოყვანილ სურათებზე ნაჩვენებია სხვადასხვა ჯურა სანაყოფე შტოები.

როდესაც სანაყოფე შტო თავის ბოლოზედ ნაყოფს მოგვცემთ, ასეთი შტო რომ არ გახმეს, თავის სიცოცხლის გასაგრძელებლად მუდამ ახალ სამამულე კოკრებს იძლევა (სურ. 2 და 3). ეს კოკრებიც თავის დროზე საყვავილეთ გადაიქცევიან და ამნაირად მუდამ ასეთი

წესით მომდინარეობს სანაყოფე შტოების ცხოვრება.

ვინიცობაა სანაყოფე შტოები მოკლედ გასხალით, მაშინ საყვავილე კოკრის მაგიერ თქვენ მიიღებთ მხოლოდ ყლორტს. ეს იმისგან მოხდა რომ მოკლედ გასხვლით თქვენ დაარღვიეთ საყვებავი წვენი. წესიერი მოძრაობა.

ამისათვის ამგვარი მოკლე შტოები არასოდეს არ ისხვლებიან. აქედან ცხადია, რომ მცენარის ორგანოებში რამდენადაც თანასწორია საყვებავი წვენის განაწილება, იმდენად სანაყოფე შტოების რიცხვიც ხეხილზე მრავალი იქმნება.

აი სწორედ ამ გარემოებასთან, ესე იგი საყვებავი წვენის თანასწორ განაწილებასთან არის დაკავშირებული სანაყოფე შტოების დამუშავებაც.

### გ. ნახუცრიშვილი

(შემდეგი იქნება)

## ბოსტნეულობის და ხეხილის მავნებელი მწერები

(ფ. გორნოსტაევის თხზულებიდან.)

მწერები საერთოდ დიდ ზარალს აძლევენ ბოსტნებს, მინდვრებს და ხეხილს. ხანდისხან ისე ანადგურებენ ყოველისფერს, რომ მეურნე სასოწარკვეთილებაში ვარდება მოუსავლობისა გამო.

მოვიყვანთ რამდენიმე მაგალითს იმისას, თუ როგორი ზარალის მოტანა შეუძლიანთ მწერებს:

შიდა რუსეთში კომპოსტოს ხშირად უჩნდება ხოლმე მატლი. ამ მატლებს არა ერთხელ აუოხრებია ბოსტნები მოსკოვის გარეშემო ადგილებში. 1890 და 1891 წლებში მოსკოვის და იაროსლავის გუბერნიაში მუხუდოს გრძელ-

ცხვირა ჭიებმა სრულებით მოსპეს მუხუდოს მოსავალი.

1888 წელს სელის ჭიებმა შიდა და აღმოსავლეთ რუსეთის თოთხმეტ გუბერნიაში ერთიანად გააფუჭეს მინდვრები და ბოსტნები.

რამოდენიმე დღის განმავლობაში მხოლოდ ერთ სერგაჩაიკის მაზრაში ნიჟეგოროდის გუბერნიაში, ჭიებმა მოსპეს მუხუდო და სელი 1,712 დესეტინაზე, ღირებული 95,097 მან.\*)

ასეთივე მავნებელი არიან მწერები ხეხილისათვისაც: ზოგი მათგანი სკამს კვირქს, ზოგი ფოთოლს და ზოგიც

\*) კ. ლინდემანის გამოკვლევა.





ნაყოფს. ჩრდილოეთ-ამერიკაში ვაშლის პეპელა აკლებს მოსავალს 75 პროცენტს, ესე იგი სპობს სამ მეოთხედს მთელი მოსავლისას.

ვიატის გუბერნიაში ამავე ვაშლის პეპელას დიდი ზარალი მოაქვს ყოველ წელს. 1893 წელს მთელ შიდა რუსეთში არაფერი ხილი არ მოსულა, ვინაიდან ვაშლის გრძელ-ცხვირა ჭიებმა გააფუჭეს ხეხილი და მოსპეს მოსავალი. ქალაქ ხვალინსკის ახლოს მესამოცე წლებში ვაშლის ხეებზე გაჩნდნენ ერთნაირი ჭიები, დაუწყეს ჭამა ფოთლებს და კვირტებს, რის გამოც ხეები სრულებით გახმა და მოსავალზე ხომ აქ ლაპარაკიც კი შეუძლებელი გახდა.

ჩვენშიაც ხშირად არ მოდის არც ვაშლი, არც მსხალი და არც სხვა რამ ხილი და ბოსტნეულობა. ამის მიზეზად კი უმთავრესად უნდა ჩაითვალოს მავნებელი მწერები.

აი ასეთი დიდი მავნებლობა შეუძლიანთ მწერებს მეურნეობისათვის.

ხალხი დიდი ხანია სცდილობდა რამე ნაირად დაეხსნა მოსავალი ამ მაზარალებლებისაგან, მაგრამ ძველი ზომები ბევრს ვერაფერს შველოდა. სხოლოდ უკანასკნელ ხანებში ჰეცნიერებმა დაიწყეს ამ მაზარალებელ მწერთა შესწავლა და შეუდგნენ გამოკვლევას იმ ზომებისას, რომლითაც შეიძლება მათი მოსპობა და ამდენი ზარალის თავიდან აცილება. რასაკვირველია მეცნიერთა გამოკვლევებმა ცუდათ არ ჩაიარა და ეხლა ცოტად თუ ბევრად მათი შემწეობით უფრო ადვილი და კარგი ზომები ვიცით მწერების დასახოცად, ვიდრე რამოდენიმე ხნის წინად იცოდნენ.

ჯერ მინამ პირდაპირ მწერების მავნებლობაზე გადავიდოდეთ, უკეთესი იქნება ორიოდე სიტყვა ვსთქვათ მათ ცხოვრებაზე და იმ ზომებზე, რითაც შეიძლება მათ წინააღმდეგ ბრძოლა.

### მწერების ცხოვრება

მატლებს, ბუზანკლებს, მლილებს, ბუზებს, პეპელებს, კუტიკალიებს საერთოდ მწერები ეწოდება. გარეგნულად მწერი სამ უმთავრეს ნაწილისაგან შესდგება: თავი, გული და მუცელი. თავი შემოსილი აქვს მწერს უღვაშებით, თვლებით და პირით. მუცელი შესდგება რამოდენიმე რგოლისაგან. მწერს აქვს ექვსი, ხან ექვსზე მეტი, ფეხი და ორი ხან ოთხი ფრთა. რაც შეეხება სხვადასხვაობას ეს მწერებშიაც არის.

მწერები მრავლდებიან პეპლაობით. პეპლაობის შემდეგ დედალი მწერი სდებს კვერცხებს. კვერცხებიდან რამოდენიმე ხნის შემდეგ იჩეკებიან პატარა მატლები. ახალი, კვერცხებიდან გამომძვრალი მატლები ძლიერ გაუმძღვრები არიან. თითო მათგანი სჭამს დღეში თავის წონა საჭმელს და ზოგჯერ მეტსაც, მაგალითად აბრეშუმის ჭია, რომელსაც ჩვენში დიდიც და პატარაც ძლიერ კარგად იცნობს.

ვსთქვათ მაგალითად, ხეზე არის ასი ჭია წონით ყველა ერთი გირვანქა. მაშასადამე ხეს დღეში აკლდება თითო გირვანქა შემადგენელი ნივთიერება, ხოლო თვეში კი 30 გირვანქა.

კიდევ არაფერი, რომ ჭია ხის ერთი ნაწილიდან მეორეზედ არ გადადიოდეს, მინამ სრულებით არ მოსპობს პირველს. მაგრამ ჭია იმდენს არა სჭამს რამდენსაც აფუჭებს. სანამ ერთ კვირტს შესჭამს ათზე მეტსაც აფუჭებს. ასეთ პატარა ჭიებს დიდი ზარალი მოაქვთ.



ხშირად კომბოსტოს ჭიები ისე სპობენ კომბოსტოს, რომ მებაღეებს კომბოსტოს თავების მაგიერ ფოთლების ძარღვებილა რჩებათ.

ეს პატარა ჭიები ცოცხლობენ რამოდენიმე ხანს, გაძღებიან, გაიზრდებიან, სტოვებენ ჭამას და იმალებიან დაფარულ ადგილას ხეზე ან მიწაში, აქ კი სხვა სახეს იღებენ—იქცევიან **პარკათ**. ზოგი მათგანი ეკვრება რამე საგანს, ზოგი ეხვევა ქსელში, ან და ისეთ რამეებში, რაც დაიფარავს მას სხვადასხვა მტერისაგან და ცუდი ამინდისაგან. პარკაში ყოფნის დროს მწერი არც სჭამს და არც ინძრევა. რამოდენიმე ხნის შემდეგ პარკიდან გამოდის ან ბუზანკალი, ან პეპელა, ან სხვა, იმის და მიხედვით თუ რომელი მწერისაგან იყო დადებული კვერცხი. მწერის სხვადასხვა სახის გამოცვლას **გარდაქცევა** ჰქვია.

### რა ზომებით შეიძლება მწერებთან ბრძოლა

ჩვენ უკვე მოკლეთ გავეცანით მწერების ცხოვრებას და იმ დიდ ზარალს, რომელსაც ისინი აძლევენ ბოსტნებს, მინდვრებს და ხეხილს. მწერებს ბევრით იმაზე მეტი ზარალი მოაქვთ, რასაც ჩვენ წარმოვიდგენთ ჩვეულებრივ. ხშირად ხალხი მოუსავლობის მიზეზათ ასახელებს ცუდ ამინდს, ჰაერს და სხვას, უმთავრესად კი მიზეზი ამ მოუსავლობისა სხვადასხვა მწერებია, რომლებიც დაუზოგავად სპობს კირნახულს. საჭიროა მათ წინააღმდეგ ბრძოლა, რომ ზარალი ავიცილოთ თავიდან.

ზოგი მწერი უფრო ადვილი დასახოცია მაშინ, როცა ჯერ კიდევ კვერცხშია, ზოგი კი შემდეგ. ზომებიც მათ

დასახოცათ სხვადასხვა მიხედვით იმისა, თუ რა ზნე-თვისებისა არის მწერი.

### უმთავრესი ზომები მწერების წინააღმდეგ

1) მწერების მოწამვლა შესაძინი წამლებით.—ამ ბოლო დროს ძლიერ გავრცელდა მცენარეების შესაძინი წამლებით შესხურება მწერების მოსაშორებლად.

შესაძინი წამლები, განსაკუთრებით დარიშხანიანი, ძლიერ მავნებელი არიან ადამიანისათვისაც და შინაური ცხოველებისათვისაც და ამიტომ უწინ ემინოდათ ასეთი წამლების ხმარება. ესლა დამტკიცებულია გამოკვლევით, რომ ასეთი შიში სრულებით უსაფუძვლოა. დარიშხანა შესხურებულ ვაშლის ხიდან 9 ან 10 პატარა კალათა ვაშლი უნდა შეჭამოს კაცმა ერთბაშად, რომ მოიწამლოს. არც პირუტყვების მოწამვლა შეიძლება ნაწამლი ბალახით. ამის დასამტკიცებლად სთიბავდნენ, ხეების ქვეშ ბალახს და აჭმევდნენ ცხენებს და ცხვრებს, მაგრამ არავითარი ენება არ მოუტანია მათთვის\*). ესე ნაწამლი ხეხილი მავნებელია მხოლოდ ფუტკრისათვის. ეს უნდა იცოდეს ყველა მებაღემ და როცა ყვავილშია მცენარე არ შეასხუროს წამალი.

**შენიშვნა:** მიუხედავად ყველა ზემოხსენებულ მაგალითებისა, ძლიერ ფრთხილად უნდა ხმარობდნენ ამ წამლებს და არ უნდა ჩაუგდონ ხელში უცოდინარ პირებს.

### მჭამელი და მწუწნავი მწერები.

**მჭამელი** მწერები იკვებებიან ფოთლებით. ამიტომ მათ დასახოცად წამა-

\*) ნ. ი. კიჩინოვის გამოკვლევა.





ლი უნდა შეესხუროს ფოთლებს. ეს მწერები ფოთლებთან ერთად სჭამენ წამალსაც და იხოცებიან.

**მწუწნავი** მწერები ფოთლებს არა სჭამენ, ისინი სწუწნიან ფოთლებს და წვენით იკვებებიან. ამიტომ ფოთლებზე დასხმული წამალი მათ ვერაფერს ვერ აკლებს. წამალი ტანზედ უნდა დაესხათ მათ და მხოლოდ მაშინ დაიხოცებიან.

**უმთავრესი წამლები, რომლებითაც შეიძლება მავნებელი მწერების დახოცვა.**

1) ნავთის ემულსია: არ შეიცავს არავითარ შხამს, მაგრამ მიუხედავად ამისა ძლიერ ხოცავს სუსტ ტანის მწერებს, როგორც მაგალითად მგრავნელებს, ბალახის ტილებს, კომბოსტოს ტილებს, კომბოსტოს ჭიებს და ხეხილის მატლებს. ეს მწერები მაშინვე იხოცებიან, როგორც კი დაესხმით ტანზე ნავთის ემულსია.

წამლის მომზადება:

- საპონი . . . . . 1/2 გირვანქა
- ნავთი . . . . . 12 ბოთლი
- მდულარე წყალი . 6 ბოთლი

უნდა შეზავდეს ასე: წვრილათ დაჭრილი საპონი ჩაყარეთ მდულარე წყალში და როდესაც საპონი დაიშლება დაახლოებით ნავთი და ჩქარა გათქვეფეთ. გათქვეფის დროს ეს შეზავებული წამალი თეთრი ფერისაა, რძეს ჰგავს, მაგრამ რამდენიც ცივდება ფერს იცვლის, სქელდება და ფელამუშს ემზავსება. შემდეგ ერთი ბოთლი ამ წამლისა გახსენით ერთ ვედრა წყალში და შეასხურეთ. ნავთი სიცხეში ორთქლად იქცევა და ხეს არ ავნებს, ხოლო ცივ

ამინდში კი ნავთი ორთქლად არ აღის, არამედ მცენარეს უჯდება ტანში და აზარალებს. ამიტომ სიცხეში შეიძლება წამალი ცოტა მაგარიც იხმაროთ, ესე იგი წყალი ერთ ვედრაზე ნაკლები გაურიოთ, ხოლო სიცხეში კი წამალი უთუოდ ნაკლები სიმაგრისა უნდა იქმნეს. უფოთლო ხეებს უნდა შეასხუროთ მაგარი წამალი, ფოთლიანებს — ნაკლები სიმაგრისა.

2) სუფთა ნავთი. სუფთა ნავთით ასველებენ სილას ან ნაცარს და მოაყრიან კვლებს ბოსტანში. წამალი ხოცავს მწერებს.

3) ზაჩიზის მწვანე ფხვნილი. პარიზის მწვანე ფხვნილი ძლიერ შხამიანია. ამასია შეზავებული სპილენძი და დარიშხანის ანუ მარგიმუშკის სიმჟავე, რომელიც შეიცავს 58 პროცენტს დარიშხანას.

პარიზის მწვანე ფხვნილი იხმარება ან წმინდად დანაყილი, ან წყალში გარეული. წმინდად დანაყილი პარიზის მწვანე ფხვნილი უნდა გადერიოს ნაცარს, ან ფქვილს, ან თაბაშირს (Гипс) და ისე იხმაროს. ერთ ნაწილ ფხვნილზე იღებენ 12—30 ნაწილს ნაცარს, ფქვილს, ან თაბაშირს და ერთმანეთში აურევენ.

ასე შეზავებული წამალი უნდა მოეყაროს მცენარეების ფოთლებს დილით, მინამ ნამი აქვს ფოთოლს, რომ წამალი დადგეს ზედ.

შესასხურებლად პარიზის მწვანე ფხვნილს აზავებენ წყლით ამნაირად:

- ფხვნილი . . . . . 1 გირვანქა.
- პარიზის წყალი . . 40-75 ვედრამდე.

ვაშლისა და მსხლისათვის ხმარობენ ნაკლები სიმაგრის წამალს: 8 ვედრა



წყალს უნდა აერიოს 9—10 მისხალი. რადგან ეს პარიზის მწვანე ფხენილი წყალში არ იხსნება, აძიტომ შესხურების დროს უნდა ხშირად შექანქყარდეს, რომ ქურჭლის კუთხე-კედლებზე არ დარჩეს. თუ წამალი მაგარია ხეებს ფოთლები სცივია, ნაყოფსაც სწყენს, მაგრამ თითონ ხეს კი არა ევნება-რა და მალე იმოსება ისევ ფოთლებით. რომ ფოთლებისათვისაც უვნებელი იყოს წამალი, საჭიროა მიემატოს კირი, წონით იმდენივე, რამდენიც პარიზის მწვანე ფხენილია აღებული. ამ წამალს ხმარობენ მატლების დასახოცად.

4) მღუღარე წყაღი. აღულებული წყალი იხმარება მლილების დასახოცავად ვაშლის ხის ტანზე და ფესვებზე. აღუ-

ლებულ წყალს 50<sup>0</sup>-ს ხმარობენ კომბოსტოს მატლების წინააღმდეგაც.

5) კაია. კირი იხმარება მსხმოიარე ხეების მლილებისაგან დასაფარავად, რომლებიც გამრავლდებიან ხოლმე ხის ტანზე. კირი უნდა შეზავებულ იქნას ქვანახშირის კუბრთან, ან რუხე საპონთან, ან და კალაქვასთან (ნაცარტუტის მარილი). წამლის შესახურებლად იხმარებიან სხვადასხვა სასხურებელი მანქანები.

6) ბევრი მწერი იხოცება ნიადაგის დამუშავების დროსაც—სახნისი, კავი, გუთანის, ფარცხი, ბარი, თოხის და სხვ. იარაღების შემწეობით ბევრი მწერი იმარხება მიწაში ისე რომ ამოსვლა აღარ შეუძლიანთ და იხოცებიან

**ი. კვიციანიძე**

ამა 1912 წელს გამოდის იმავე პრეტყრებით სპეკურნეო ჟურნალი

**წელიწადი გამოთხე „მოსავალი“ წელიწადი გამოთხე**

მიიღება ხელის-მოწერა **მარტო ტფილისში**. ჟურნალი დირს—**3 მან.**, ცალკე ნომერი—**15 კაპ.**,—მისამართი: **Тифлиς, Барятинская 5.** რედაქცია ეცდება შეძლებისდაგვარად უფრო ძვირფასი პრემია მიაწოდოს წლის თავზე ჟურნალის ხელის-მომწერლებს.

მსურველთ შეუძლიანთ შეიძინონ წარსული წლების „**მოსავალი**“-ს ნომრები:

მთელი კომლექტი	1909 წლისა	უყლო 1 მან. 50 კ.,	უდაკაზმული 2 მ. „ კ.,
„	1910 „	2 მან.— „	„ უდაკაზმული 2 „ 50 „
„	1911 „	2 მან.—50 „	„ უდაკაზმული 3 „ — „

რედაქციის გამოცემანი: **კანონი** მევენახე-მეღვინეთა კომიტეტების შესახებ 15 კ., **იონჯა**—5 კ., **ბამბა**—5 კ., **კართოფილი**—5 კაპ..

რედაქციაშივე იყიდება შემდეგი გამოცემანი:

არითმეტიკული კრებული—50 კ., ქიმია პროფ. როსკოსი—30 კ., შვეიცარიის ძირითადი კანონები და საზოგადოებრივი ცხოვრების წარსულიდან—25 კ.

რედაქ.-გამომცემელი **ვ. ი. რცხილაძე**